

Iz čitave Bosne i Hercegovine samo „Apeiron“ odabrali za partnera

NOVI STUDIJSKI PROGRAM SA MEDICINSKIM FAKULTETOM IZ RIJEKE

Pokretanje zajedničkog specijalističkog studijskog programa Sportska medicina i rehabilitacija već od sljedeće školske godine bio je povod posjete delegacije Medicinskog fakulteta Sveučilišta u Rijeci Panevropskom univerzitetu, sredinom novembra. Predstavnici riječkog Medicinskog fakulteta ocijenili su „Apeiron“ kao idealan za partnerstvo u ovakvom, ali i drugim projektima.

- Naš Fakultet pristupa programu ERASMUS +, projektu Evropske unije za potporu obrazovanju u Evropi. Mi ćemo aplicirati za novi specijalistički studijski program Sportska medicina i rehabilitacija. Za takav korak potreban nam je partner iz zemlje koja nije članica Evropske unije, univerzitet ispred kojeg stoji budućnost, a iza kojeg je učinak. Panevropski univerzitet to sigurno jeste, sa svojim nastavnim kadrom, studijskim programima, prostornim, informacionim i drugim kapacitetima i, naravno, sjajnim studentima. Kroz ovaj program Evropske unije obje naše visokoškolske ustanove ostvariće određene rezultate koji i te kako mogu da doprinesu njihovom razvoju, rekao je prof. dr Viktor Peršić, nastavnik Medicinskog fakulteta u Rijeci i direktor JU Talasoterapija Opatija.

Dekan Fakulteta zdravstvenih nauka Univerziteta „Apeiron“, doc. dr Ljiljana Stojanović-Bijelić kazala je da se prilikom sastanka razgovaralo i o mogućem zajedničkom organizovanju studija trećeg ciklusa Fakulteta zdravstvenih nauka i Medicinskog fakulteta iz Rijeke.

Za riječku delegaciju domaćini su omogućili i posjetu ustanovama na koje studenti Univerziteta „Apeiron“ idu na praksu - Univerzitetom kliničkom centru Republike Srpske i Banji Vrućici u Tesliću.

15. novembar 2017. godina

Služba za odnose sa javnošću